

# Timothia Paului Chagdis Tanpo.

## Timothia Paului chagdis tanpoe skor.

I chagdis tarj sɲunme chostshogssi uskyongun gyudte, ɲadaraɲa i chagdispo Tsoo Yeshu mashike skutshabs Paului dia dzadkhanbo gyus chanog.

Dadaraɲunla chossi khaspagun gyudte i chagdispo Yeshu tonste sontea zharjste stinje, lo 30 ne 32 nyekhorla, dia dzadkhanbo gyus chanog.

Paulu mashike chaglassi naraɲa bes sumpa skyod zane, Timothi ephesassi gyalse naraɲa bors. Ta nam Paulua ephesasla logste chaa minyancespo hagoanaɲ, khoraɲi Timothia i gyuntshangunni phia chagdis dia dzads.

1. Timothia khoraɲi tarja dzadkhanni khaggun idtu skulces.

2. Teru yodkhanni chostshogssi naraɲa zusme labzha cunjkhangunni gyabgal coces.

3. Timothia ephesassi chostshogspo kazuggi ldan cugin teboe labzha.

4. Ephesassi naraɲa chostshogs skoraɲes tarj thidcessi naraɲa Konchoggi chogsne scodpa tarj khyud thobste yodkhanni mirig skoces.

## Paului chogsne ju zhus.

### 1:1 ne 11

**1** <sup>1</sup> Dadaraɲunni skyabgon Konchog tarj ɲadaraɲunla rewa salkhanni Mashika Yeshui, ɲa Paulu Mashika Yeshui skutshabsla skoa dzads.

<sup>2</sup> De tadpe naraɲa denbe butsha inkhanni Timothi khyoraɲa diaɲ. Konchog yab tarj ɲadaraɲunni Tsoo Yeshu mashike khyoraɲa thugrje, snyinrje tarj, zhida salla dzadshig.

<sup>3</sup> Da Makedoniya cha zane, ɲe khyoraɲa ephesassi naraɲa dugces tarj Konchoggi skorla zuma labzha tarjkhangun ghagcesla maɲante spospa tarjspin. <sup>4</sup> Yarj zusme ruɲ tarj khoraɲunni purgyuddi thoriɲmo gunni skorla dab coin tus godla mitaraɲcesla ka tarj. Te lasgunni migunla Konchoggi phia tadpacanni mitshezhiɲ phudcessi naraɲa rogs coa manog, innaraɲ tonmeddi dzinjo chacugganog.

<sup>5</sup> De labzhe migzhibo ni tadpa yodkhan tsharaɲa snyin zaɲpo, sems lagmo tarj denbe tadpa gunne yoraɲkhanni yashe gaɲscespo in. <sup>6</sup> Innaraɲ i zusme lobbongunni te labzha zaɲpo tsharaɲmala gyab logste tonmeddi gorgyangunnika dosdur corug. <sup>7</sup> Chosthimsla khaspe lobbongun gyurcessi dodpa nyampo, khoraɲunni tegun thetshoms medpa shadnaɲ, ɲospoa khoraɲunni shadkhanbo khoraɲunla hamagoa innog.

<sup>8</sup> Kaltes chosthimspo Konchoggi thabs naraɲzhinla kolna, zaɲpo inkhanbo ɲadaraɲunla gyusinog. <sup>9</sup> Ciazerna kaɲhimspo las tarjpo cokhangunni phia macoa thims medkhan, gyabgal cokhan, Konchoggi jigssi naraɲa maɲulkhan tarj sdigcan

gun matshad, canj dampaa mastsikhan, dampaa gun stsogpo cokhan, aba ya ama sadkhan yanj misadkhangunni phia coste innog. <sup>10</sup> Kathimspo lusdel njanpa cokhan, butsha tanj butshe parla ya bumoe tanj bumoe parla lusdel cokhangun, tsheyoggi phia migun tsonkhan, zunjan, thimskhunjji nanjja sparjpo zunba tanjkan tanj labzha zanpoe gyabgal cokhangunni phia innog. <sup>11</sup> Khongunni gyabgal cokhanni labzha zanpogun, zirrijdcanni gamoe nastshulne cunjjanog, kabo cinlabscanni Konchoggi ne lagga stadda dzadte in.

### **Konchoggi snyinjree phia thugrjeche zhus.**

#### **1:12 ne 17**

<sup>12</sup> Mashika Yesu njanangunni Tsooe nja khonranjji chaglasgun dzadcesla stobs salla dzads, khonja ne thugrjeche zhuad. Khonjji nja lokhyelcanni mizhig stsia dzadte khonranja zhabstog zhucessi phia skoa dzads. <sup>13</sup> Zhan nja dadlog zhukhan, tadpacangunla nagsstante nodskyalkhan inteanj, Konchogga nja snyinjree skyea dzads, ciazerna tegun ne Mashika tadpa macokhan tanj denbe labzha gun masheskhan inni tusla coste inpin. <sup>14</sup> O, njanangunni Tsoo, tsamshiggi snyinj pheste salkhan tanj thugrjecanzhig zhugste mirug. Khonjji, nja Mashika Yeshune cunjkhanni tadpa tanj cespe skanja dzads.

<sup>15</sup> I zhaltagun denba inpa, mitshanjme tegunnika idshes cogosshes innog, "Mashika Yesu i jigstenni nanjja sdigcangun skyobbala skyods." Te sdigcangunni tone nja tshanjesanj thushogpo inpin. <sup>16</sup> Innanj Mashika Yeshui khonranjji zodsems chenmoe spezhiggi tshulla nja, sdigcan thushogpo kolla dzadcessi phia Konchoggi nja snyinjree skyea dzads. Te speboe Yeshuika tadpa cona, thamedpe mitshe thobthubcespo zhanmagunla hagothubin. <sup>17</sup> Khonj ni thamedpe gyalpo, jal majalkhan, mane mitonjshkan, yanj khonranj cigpo Konchog zhugste innog. Khonja stsiwa tanj spal gun, tusgyunnegyun thobshig. Amen.

### **Timothii khaggun.**

#### **1:18 ne 20**

<sup>18</sup> De butsha Timothi, khyoranjji skorla snunla lunstan shadkhan nanjzhin, ne i labzhagun khyoranja tanjad. I labzhagunni, khyoranja Tsooe magthabssi nanjja gyalkhaa thobcesla rogs thobshig. <sup>19</sup> Mashike nanjja khyoranjji tadpabo stanpo thamste dug, yanj khyoranjji sems nonjmed bor, ciazerna mi khaciggi i labzhabo phanjsa, khongunni tadpabo thestor sonje innog. <sup>20</sup> Heminayus tanj alegzander nyisko, teboe spezhig innog. Khongunla Konchogga dadlog micocespo hagogessi phia, ne khongun chostshogssi tone phinjste shetanni lagga stadpin.

### **Chos cocessi skorla labzha.**

#### **2:1 ne 8**

**2** <sup>1</sup> Tshanjesanj snunla, mitshanjme phia moslam zhucsesla ne tadpacan tshanjala masante spospa tanjad; moslammi nanjja Konchogga khongunla rogs dzad zerces, khongunni tonla zhuwa phulces tanj thugrjeche zhucses gun

yongos. <sup>2</sup>Tenna tsogsla, Konchoggi scodlam tarj dampe lammika ðulin ñadangun zhide tarj khamzarñi mitshe, phud nyancesla gyalpo tarj warj yodkhan tshanme phia moslam zhushig. <sup>3</sup>Itsogsla moslam phulcespo, gyallazhig innog, yarj ñadangunni skyabgon Konchog thugsthaddanog. <sup>4</sup>Mitshanjma skyobces tarj Konchoggi denba sheshespo khonñi thugsdod innog. <sup>5</sup>Konchog cigcig zhugste in, yarj Konchog tarj mitshanjme pharla barmi cigpo ni Mashika Yeshu, mibo zhugste innog. <sup>6</sup>Tshanjme phia tharlam nyoa dzadcesla khonñi khonñarñi mitshebo phulla dzads. Ibo ni Konchoggi jigstenni migunla khonñarñi Idamma dzadkhanni tuspoeka salla dzadkhanni lonbo innog. <sup>7</sup>Yahudapa mankhangunla tadpa tarj denbe skorla i longun shadkhan tarj skutshabsla ña Idamma dzads. Ðe zun tarjñamed denba zerrad.

<sup>8</sup>Ðe dodpabo ni chos cose nassa tshanjme narña Mashikapagunni ño ya dziñmo medkhanni dampe lagpagun stagste Konchogga moslam phulgoscespo in.

### **Bumogunla labzha.**

#### **2:9 ne 15**

<sup>9</sup>Tennadarj tsogsla, bumogunni tshulcanni Koslag gongoshespo ñe dodpa in. Şagun Idam tshul ya ser tarj mutig tagces ya rincanni Koslag gun gonte khorangun chogsla migunni narña khyon magos. <sup>10</sup>Innarj rarj las zarjpo thogne zabgoshes innog, kazug Konchogga jigste ðulkhanni bumogunla ospa in.

<sup>11</sup>Bumogunni cubcadte chostshogssi uskyongunni yogga dugste chosshadkhangun, carjoshes innog. <sup>12</sup>Ðe bumogunla butshaa labces ya butsheka warjgun co micug. Khonñunni cubcadte nyangos. <sup>13</sup>Ciazerna Konchoggi hawe sarj sñunla, Adam<sup>a</sup> coa dzadte inpin. <sup>14</sup>Yarj gobskorri narña yonkhanbo Adam manpa Hawa innog kaboa shetanni gobskorte sdigcan gyurcugs. <sup>15</sup>Bumogunni Konchoggi narña tadpa, cig tarj ciggi narña cespa, dampa, tshumspe mitshe phudces yarj ñugu jorces gyudte skyobba dzadin.

### **Chostshogssi uskyongun.**

#### **3:1 ne 13**

**3** <sup>1</sup>Dospoa i zhaltagun denba innog, "Kaltes suzhigga chostshogssi uskyon cocessi dodpa yodna, khoa dodpa yodkhanni laspo stsiwacan zhig innog." <sup>2</sup>Chostshogssi uskyon ni, skyonmedkhan, khorarñi nama nyampo idshescan, sambacan, rarjsems cunnyankhan tarj stsiwacan, bespagunla khanpe narña gasus zhukhan, lab nyancesi khyud, <sup>3</sup>marjstearj marjpo charj mathunñkan, nodpa maskyalkhan, zhanmagun nyampo bolmo, dziñmo matarñkan, yarj pene marjpo dodpa medkhanni mizhig yongos. <sup>4</sup>Khoe khorarñi narjshanjsla gothid tarj stastog gyalla coste khoe ñugugun stsiwa cokhan tarj khanyankhan rig yongos. <sup>5</sup>Kaltes mizhigga khorarñi narjshanjsi gothid tarj stastog co manyanna, tene kazuggi khoa Konchoggi chostshogssi gothid tarj stastog conyanin?

<sup>a</sup>2:13 Adam tarj Hawa ni i jigstenni narña Konchoggi dzadkhanni butsha tarj bumo tarjpo inpin.

<sup>6</sup>Uskyonbo, tadpa cokhan somazhig yon magos, ciazerna khoe narjha phoso yonşidces innog kaboe kho, shetanla phogkhanni thimscad tsogssi narjha gyelcugin. <sup>7</sup>Thelba sonje shetanni cusnanni narjha migyelcessi phia, kho tadpa medkhangunnian stsiwa cokhanni mizhig yongos.

<sup>8</sup>Tenna tsogsla, chostshogssi zhabstogpa skoa dzadkhangunnař stsiwacan yongos, dunla zarjpo gyabne řanpa cokhan, řarj mařpo thunřkan yarj pene thogne nabsshan yon magos. <sup>9</sup>Khongunni semssi narjha nonjs medpa tadpe khagcan řarj pogunla stanpo thamste duggos. <sup>10</sup>Zhabstogpa zhig skoi sarj řunla khongunni scodpagunla zhibsal coste ltagos. Kaltes khongun skyonmedkhanzhig thorjha, khongunla zhabstogpe tshulla zhabstog zhucugshig.

<sup>11</sup>Tenna tsogsla chostshogssi zhabstogpagunni namagunnař zhanme stsiwa yodkhanni bumo rig yongos, yarj zhanmagunni scodpe skorla řanpa zer magos. Khongunni rařsems cunte, yarj las cokhan tshařme narjha idshescan yongos.

<sup>12</sup>Zhabstogpa rařji nama nyampo idshescan yongos, ya řa khoe khorarjji řugu tarj kharjpe narjha dugkhan tshařmala gyalla coste stastog cogos. <sup>13</sup>Gyalla coste zhabstog zhukhangunla, zhanmagunni kane stsiwa thobste mařjha hampa nyampo zhanmagunla Mashika Yeshui skorla shadthubin.

### **Sarjwe denbagun.**

#### **3:14 ne 16**

<sup>14–15</sup>Zhan řa khyorař nyampo gyogspa thugcessi rewa coad, innarj kaltes řaa yonřesla gorna, mizhig Konchoggi narjtsarjssi řoa kazuggi duggoshespo, khyorařja gyus chacesla i labzhagun řiad. Te narjtsarjspo ni Konchog sonpoe chostshogspo innog, kabo Konchoggi ka tarjpoe kawa tarj magldan in.

<sup>16</sup>Thetshoms medpa ibo ni, řadarjgunni tadpe sarjwa cheshogpo innog.

Mashika mii zobste narjha řonje

Khorj Konchoggi řas inkhanbo dampe thugnyiddi stante,  
Phonyagunni jal.

Yarj gyalkhamsgunni narjha shadte

Jigsten garjpoe narjha mi mařpozhyggi khonjha tadpa cos.

Yarj namkhe narjha zirrjid nyampo khyerra dzadte in.

### **Zusme lobbongunni gyabgalla sparj phuds.**

#### **4:1 ne 5**

**4**<sup>1</sup>Dampe thugnyiddi salpo coste molte dug, thame tusla tadpa cokhan khaciggi khorarjgunni tadpa sparjste gobskor tarjkhanni semsnyid tarj rduddi labzhagunni gyabne řarjste chen. <sup>2</sup>Te labzhagun khachos cokhan tarj zunjan gunni kane yonřanog, kagunni semspo shite in pasarj, khongunni sdigpagunla skyonřjod coa manog.

<sup>3</sup>Khongunni tadpacangunla bagston coces tarj kharji rigs khacig zaa michogs zerranog. Innarj Konchoggi denba sheste tadpa cokhangunla khonjji zacessi rigs tshařma thugrjeche nyampo, zala coa dzadte innog. <sup>4</sup>Konchoggi coa dzadkhan

tsharjma zarjpo in pasan, njadangunni tegun ciggarj pharj mapharjja thugrjeche nyampo lengos. <sup>5</sup> Ciazerna Konchoggi ka tarj njadangunni khonjja thugrjechee moslammi zhaste tegun stsarjma coa dzadte innog.

**Mashika Yeshui zhabstogpa zarjpozhiq gyurces.**

**4:6 ne 16**

<sup>6</sup> Timothi kaltes khyorarjji spungunla tegunni skorla hagocugna, khyorarj Mashika Yeshui zhabstogpa ospacanzhiq gyurin, kabo khyorarjji mitshee narjja tadpe denbagun lobste, labzha zarjpoe gyabne dulcespoe, shedcan gyurte in. <sup>7</sup> Rin medkhan tarj denba mankhanni cosmi rujsgunni skorla dziqmo tarjin, khyorarjji tus tsapiggarj godla matarjja, Konchoggi scodlammi narjja rarjji mitshe marjja yargyas chacugin phud. <sup>8</sup> Khyorarjja i zerlobo gyusyodte innog.

"Stsalyarjns stseste zugspoa yargyas cocespoe,  
Phanthogs tsapig yodte innog.  
Innarj tesarj marjja phanthogs ni,  
Konchoggi scodlammi narjja yargyas cocespo innog.  
Ciazerna teboe njadangunla i mitshe tarj shite stijne  
Thobcescanni mitshe nyiskoe phia phanthogs coanog."

<sup>9</sup> Te zerlobo idshescan innog, yarj tsharjme thetshoms medda, tadpa cogoshes innog. <sup>10</sup> Tennaboephia njadangunni stsonjus coste bardo khurranog, ciazerna njadangunni rewabo ni, sonpo Konchoggi narjja yodte innog, kabo mitsharjma tarj migsalli tadpacangun skyobkhanbo zhugste in.

<sup>11</sup> Khonjgunla i labzhagun lob, yarj tegunnika laglen cocessi ka tarj. <sup>12</sup> Khyorarj, tadpacangunni phia spera tarjces, mitshe phudces, camspa coces, tadpa yarj stsarjme thogne spezhigga gyur. Kaltes tezug cona khonggunni zhunnu innog samste khorarjja stsiwa cocessi narjja thetshoms mico. <sup>13</sup> Da yonyonj tshagpa, khyorarjji tus marjchea chostshogssi dunla dampe sunjrabs silces yarj chosshadces tarj Konchoggi denbe skorla labcessi narjja phud.

<sup>14</sup> Khyorarjja Konchoggi salkhanni khyudpo godla cha macug, kabo khyorarjja chostshogssi uskyonjgunni khyorarjnika khonjarjgunni chaggun borte, khyorarjji skorla lurjstangun sal zane thob. <sup>15</sup> De labzhagunla narjja borte, snyirj garjpo nyampo laglen cos, tene mitsharjme khyorarj semsnyiddi thogne yargyas chakhanbo, thonj thubin. <sup>16</sup> Khyorarjji mitshe phudces yarj khyorarjji labzhagunla stagcad cos, tusgyun tetsogs coin dugshig. Kaltes tezug cona, rarjji mitshe tarj khyorarjji labzha nyankhangunni mitshearj skyobin.

**Rgadm i tarj anemaranjmo gunni skorla labzha.**

**5:1 ne 16**

**5** <sup>1</sup> Mi chimizhigga khaskyeste spera matarjja, khoa rarjji aba tsogs samste denbe lammika dulcesla spospa tarj, yarj zhonnugunla rarjji no tsogs som.

<sup>2</sup>Tenna tsogsla bumo chimigunla khyoraŋŋi ama yaŋ bumo nachuŋgunla sems stsaŋma nyampo raŋŋi ŋiŋmo tsogs som.

<sup>3</sup>Anemaraŋmo stastog cokhan medkhangunla, stastog coste stsiwa toŋ. <sup>4</sup>Innaŋ kaltes te anemaraŋmoba ŋugu, ya tshao, tshamo yodna, khouŋgunni raŋŋi naŋmigunla stastog coste goma khouŋgunni tadpabo laglenni naŋŋa khyoŋ goshes innog. Abi taŋ meme gunla stastog coste khouŋgunni tinlan logkhangunni laspoa Konchog thugsdadda dzaddanog.

<sup>5</sup>Ta naŋtshaŋs medpa cigpo luskhanni bumo, khouŋŋi rewa Konchoggi naŋŋa borte, nyintshan medpa rogs coa dzad zerte moslam zhukhanbo ni ŋosme anemaraŋmo innog. <sup>6</sup>Innaŋ raŋdod dɔbcugcessi naŋŋa mitshe phudkhanni anemaraŋmogun sontea yodteaŋ, semsnyiddi thogne shite innog. <sup>7</sup>Suzhiggiaŋ tadpacangunni gyabgalla skyon kal minyancesi phia, te labzhagun toŋ.

<sup>8</sup>Innaŋ raŋŋi nyenduŋgunla, migsalli khouŋgunni naŋmigunla stastog macokhangunni khouŋŋi tadpa phaŋste innog. Itsogssi migun, tadpa medkhanni saŋ thua innog.

<sup>9</sup>Rogs cogoshessi thoe naŋŋa miŋ cugste yodkhanni anemaraŋmoba: khouŋŋi magpa nyampo idshescan, khoe lo dɔgcu ya maŋŋa, <sup>10</sup>las zaŋpogunni zhaste miŋcan, sperna ŋugugun gyalla coste ldancugkhan, bespagunla gasus zhukhan, tadpacangunla pasmo nyampo zhabstog zhukhan, rdugŋalli naŋŋa yodkhangunla rogs cokhan, yaŋ las zaŋpoe rigs tshaŋma cocesla daldig dugkhan. Te scodpa tshaŋma khoe naŋŋa yongos.

<sup>11</sup>Innaŋ miŋthoe naŋŋa anemaraŋmo nachuŋgun yoŋ magos, ciazerna khouŋgunni zugspoe dodpe yaŋskyar bagston conyindos pasaraŋ Mashikaa zhabstog zhucessi khachaddi naŋŋa gagskiil khyoŋŋanog. <sup>12</sup>Tene khouŋgunni sŋunla khachad coskhanbo cagspa khouŋgunnika thimscad khyoŋŋanog. <sup>13</sup>Yaŋ kaltes khouŋgun miŋthoe naŋŋa yodna, khouŋgun lasmilam gyurte khaŋpa cigne ciggi naŋŋa spermen taŋin, khouŋgunni tusgun phudin, zhanma migunni lassi naŋŋa thesstog, yaŋ taŋgos medkhanni spera riggaŋ taŋin. <sup>14</sup>Sonpasaraŋ te anemaraŋmo nachuŋgunla yaŋskyar bagma coste ŋugu jorcugces, yaŋ khouŋgunni khaŋpe stastog cocesla ŋe khadaa taŋŋad. Tene daoe, khouŋgunni gyabgalla cizhiggaŋ zer minyan. <sup>15</sup>Ciazerna anemaraŋmo nachuŋ khacig Konchogga gyab gyur tsharte shetanni gyabne dɔldug.

<sup>16</sup>Kaltes bumo tadpacanzhigga, anemaraŋmo nyenduŋ rig yodna, khoe khouŋgunla stastog cogos, yaŋ te khagpo chostshogssika kal magos. Tene chostshogssi ŋospoa stakhan medkhanni anemaraŋmogunla stastog conyanin.

### **Chostshogssi uskyoŋgunni skor.**

#### **5:17 ne 6:2**

<sup>17</sup>Chostshogssi las cokhanni uskyoŋgunla stsiwa taŋ rogs cogoshes innog, migsalli chosshadces taŋ labzha taŋcessi naŋŋa stsondus ŋante cokhangunla.

<sup>18</sup> Ciazerna sunrabssi nanŋa "Khyoraŋgunni yulthagga skorkhanni lanŋtoa zacesne khaa kag magos<sup>b</sup>" yaŋ "Las cokhangunla phogssi ospa innog<sup>c</sup>" molte dug.

<sup>19</sup> Uskyoŋzhiggi gyabgalla skyonrjod coadna, khorŋunla tetetshogpa manyan, namtshogpa spaŋpo nyis ya summi teboe skorla tantan mico. <sup>20</sup> Sdigpa cokhanni uskyoŋunla chostshogs gaŋpoe dunla khaskyegos; ibo zhanmagunlaŋ Idamzhang chenmozhig gyurin.

<sup>21</sup> Ɖa Paului Timothi khyoraŋŋa Konchog, Mashika Yesu taŋ Konchoggi Idamma dzadkhanni phonyagunni dunla i labzhagunla khaa nyante suzhiggaŋ chogris macoa, laglen cocesla kataŋŋad.

<sup>22</sup> Chostshogssi uskyoŋ Idamcessi nanŋa baŋgyugs mataŋ, kaltes taŋna tene khoe sdigpe nanŋa khyoraŋŋaŋ ɸesin. Khyoraŋ raŋdaŋraŋ stsaŋma bor.

<sup>23</sup> Chu ŋkyar thunŋin midug, khyoraŋŋi ɸodpe phanthogssi phia rgunchaŋ nyuŋun riggaŋ thun, ciazerna khyoraŋŋa zumo yoŋin dugdug.

<sup>24</sup> Mi khaciggi sdigpagun salpo thoŋŋanog, khorŋgunni sdigpagun Konchoggi ɸhimscad dzadse nassa khorŋgunni saŋ sŋunla lebin. Innaŋ zhangunni sdigpagun stiŋne mane misŋon. <sup>25</sup> Tenna tsogsla mi khaciggi las zaŋpogun salpo coste thoŋdug. Innaŋ kaltes saŋwe nanŋa las zaŋpo cona, igun tusgyunni phia vaste bor minyan.

**6**<sup>1</sup> Konchoggi tshan taŋ khorŋi labzhagunla ɸelba mikhyoŋcessi phia, tadpacan tsheyog tshaŋme khoranŋgunni sponbogunla gyalla coste stsiwa cogoshes innog. <sup>2</sup> Kaltes khorŋgunni sponbogun tadpacan rig inna, tebo stsiwa nyuŋun cocessi gyuzhig yoŋ magos. Innaŋ te tsheyoggunni las maŋna gyalla cogoshes innog, ciazerna khorŋgunni stsonɸussi phanthogspo khoranŋgunni yasha cokhan tadpa yodkhangunla thobte innog.

Timothi, tadpacangunla te labzhagun labste khaa nyancesla spospa toŋ.

### Zusme labzha taŋ denbe gyunor.

#### 6:3 ne 10

<sup>3</sup> Mi khaciggi ŋati labzhagunla gyabgal coŋides innog. Innaŋ igun Tsoo Yesu mashike labzha zaŋpogun innog, kaboe ŋadaŋgunla Konchoggi lammi nanŋa Idan cugganog. <sup>4</sup> Tetsogssi migun phosocan taŋ hamagokhan gun innog. Khorŋgunni phanmithogssi lobspe, khorŋgunni spere tontaggika dziŋmo taŋ ɸabbanog, teboe tshigsces, popudces, zhanme scodpe skorla ŋanpa zerces, yaŋ zhanme skorla samba ŋanpa gun Idan cugganog. <sup>5</sup> Tegunni tusgyun migunni ɸoa dziŋmo chaa cugganog. Khorŋunla denba taŋ zunbe khyad mashespa, denba chogsla raŋŋi gyabgyurte innog. Khorŋgunni khoranŋun chugpo gyurcessi phia Konchoggi lammika ɸulzun taŋŋanog.

<sup>6</sup> Semssi nanŋa zhide taŋ Konchoggi lammika ɸulcessi dodpa yodcespo khoranŋ, cinlabs chenmozhig innog. <sup>7</sup> Ciazerna ŋadaŋŋi i jigstenni nanŋa caŋ khurte

<sup>b</sup>5:18 ɸhimssi specha nyispe 25:4

<sup>c</sup>5:18 luke speche 10:7

makhyoŋs, yaŋ ikane caŋ khurte chaa minyan. <sup>8</sup> Teboephia ŋadangunla zagyu taŋ gongyu yodna tennaboa tshims goshes innog.

<sup>9</sup> Chugpo gyurra thadkhangun tshodlte naŋŋa gyelte, tonmed taŋ nodskyalkhanni dodpa gunni naŋŋa khaddanog, kaboe khorŋgun zhighte medkhan chacugganog.

<sup>10</sup> Ciazerna norri dodpa ni ŋanpe rigs tshaŋme stsawa innog. Yaŋ nordod ŧante yodkhan khacig tadpe kane ma thagriŋŋa nurte soŋte khoranŋgunni phia maŋŋa rdugŋalgun cuŋs cugste innog.

### **Paului stinŋuggi labzhagun.**

#### **6:11 ne 21**

<sup>11</sup> Timothi, khyoraŋ Konchogga zhabstog zhukhanni mizhig in pasar, te ŋanpe las tshaŋme kane shorte soŋ. Innaŋ taŋpo, Konchoggi lammika dulces, idshes, cespa, tadpe naŋŋa stanpo dugces taŋ pasmo mitshezhighi stinraŋne baŋtoŋ. <sup>12</sup> Raŋŋi tadpa skyobcessi phia gyalla coste nol. Konchoggi khyoraŋ bodda dzadkhanni thamedpe mitsheboa ŧante thamste dug, kabo khyoraŋŋi Yeshui naŋŋa idshes cokhanni spaŋpo tadpacan maŋpoe dunla taŋs. <sup>13</sup> Yaŋ tshaŋmala ŧog salkhanni Konchog taŋ Pontu Pilatui dunla spaŋpo zaŋpo salkhanni Mashika Yeshu nyiskoe skundunla ŋe khyoraŋŋa i katarŋad. <sup>14</sup> Dadaŋŋi Tsoo Yeshu Mashika logste phebsphebs tshagpa khyoraŋŋi khorŋŋi ka thetshoms medpa ŧuŋ. <sup>15</sup> Ta tenna Idamma dzadkhanni tuspoeka Konchog, gyalpogunni gyalpo taŋ Tsoogunni Tsoo, cinlabscanni kunwaŋ cigpoe, Mashika namkhane sŋon cugga dzadin. <sup>16</sup> Konchog cigpo ni mane miŋoŋs, suaŋ cha minyancesi oddi naŋŋa khorŋ zhugsin, khorŋ suzhiggiaŋ mane majalkyag ya jal mithub. Tshaŋme khorŋŋa stsiwa coshig, yaŋ khorŋŋi waŋgun tusgyun lusshig. Amen.

<sup>17</sup> I jigstenni naŋŋa yodkhanni chugpogunla khoranŋgunni norgunnika phoso taŋ idshes maco zerte lob, kabo lamo nyampo medkhan chaa nyannanog. Dadaŋŋi skyidpoe phia ghosdomgun snyiŋ pheste salla dzadkhanni Konchoggi naŋŋa khorŋgunni idshes yoŋgos. <sup>18</sup> Khorŋgunni penegun las zaŋpoe naŋŋa skyagces, las zaŋpoe naŋŋa chugpo gyurces, ghosdom yodkhangunni phia snyiŋ pheste taŋces, tusgyun zhanma nyampo gocessi naŋŋa dalŋig dugcesla zer. <sup>19</sup> Tezug cocespoe, khorŋgunni yoŋcescanni tussi phia khoranŋgunla namkhe naŋŋa magldan stanpo tsogsla baŋdzod sagste borin, tene khorŋgunni denbe ŋosme mitshebo thams thubin.

<sup>20</sup> Timothi, Konchoggi khyoraŋŋi lagga stadda dzadkhangunla gyalla coste ŧuŋskyob cos. Danpe speragunni naŋŋa deŋ maŋes, kaboa mi khaciggi norte yontan zerrad.

<sup>21</sup> Itsogssi samba medkhanni dabsgunni gyabne dulte mi khacig denbe tadpe kane thagriŋŋa soŋte innog.

Konchoggi thugrje khyozhagunla salla dzadshig..